



Z Ćiska wuchadźa signal kooperacije. Starobna prezidentka Serbskeho sejma Edith Pjenkowa a župan Domowinskeje župy „Handrij Zejler“ Wojerocy Marcel Brauman staj sej ruku zawdałoj, zo byštej nowe serbske zastupnistwo a župa hromadže džětałoj. Zjawnosć za ćahańcu mjez Domowinu a Serbskim sejmom žane zrozumjenje nima, bě tam zhonić. Foto: Axel Arlt

Signal kooperacije wusyłałi

Župan župy „Handrij Zejler“ sejmarjow sobotu w Ćisku tróšku překwapil

Ćisk (SN/at). Domowinska župa „Handrij Zejler“ Wojerocy a Serbski sejm chcetej hromadže džělać. To je wuslědk wuměny mysłow z Wojerowskim županom Marcelom Braumanom na spočatku sobotneho 4. posedźenja serbskeho parlamenta w Ćisku. „Zjawnosć za ćahańcu mjez Domowinu a sejmom žane zrozumjenje nima. Jako Serbja budźemy jenož wuspěšni, wusyłamy-li signal kooperacije“, rjekny Marcel Brauman na kóncu swojich wuwjedženjow. W nich bě wón myslje přichoda wo skrućenju serbstwa w regionje rysował a so wosebje nastupajo regionalizaciju serbskich zarjadnišćow a prócowanje wo serbskorěčne rumy w kubłanišćach a na wsach wuprajil.

Župan předstaji swoju župu jako jeničku, „kotraž ma wšitke tamne župy za susodow“. Dokelž su tu wšitke fasety Serbstwa doma, wužiwaše wuraz „multi-kulti-župa“. Mjez druhim wabješe hósć za zhromadnje z jednaćelom Krabatoweho młyna Tobiasom Čižikom namjetowany cyłodnjowski centrum za džěci

a młodostnych w Čornym Chołmcu kaž tež za koordinatorku we Wojerocy, „kotraž w zhromadnym džěle z kubłanišćemi a staršimi jězby a poskitki organizuje“. Sejmarjo jara dokładnje připošluhachu a zwěšćichu tójšto dypkow, w kotrychž so jich předstawy tym župy „Handrij Zejler“ runachu. Zo je hornjoserbska rěčna šula za dorosćenych jara trěbna, je na příklad jedyn tajki konsens. „Ale prošu nic w Budyšinje“, Marcel Brauman wuzběhny.

Wusyłany signal kooperacije mjeno waše starobna prezidentka sejma Edith Pjenkowa „přeni dypk zhromadnosće Domowiny a Serbskeho sejma“. Dalši sejmarjo so wuprajichu. „Mamy so na zhromadne nadawki dojednać. Su-li wone definowane, měli z respektom na tamneho hladać“, žadaše sej Hajko Kozel. Tomaš Čornak je Wojerowskej župje poskičil, stać so z člonom Krabatoweho towarstwa. K tomu pohnuli su jeho słowa Braumana wo historiskim Krabaće, kiž bě so swojeje přichilnosće k serbsčinje

tule zasydlil. Tež Hanzo Wylem-Kel z Delnjeje Łužicy je „wusyłał nowy signal kooperacije“ a chcyše wědžeć, što župa wot sejma wočakuje.

Tu nawjaza župan na poručenje Hajka Kozela. Dže to wo, „što móže što derje činić“. Hłowne polo zhromadnosće móhlo kubłanske być. Marcel Brauman, kiž je zdobom předsyda kubłanskeho wuběrka Zwjazkoweho předsydstwa Domowiny, „wosobinsce nima tuchwilny system kublanja za reparujomny“, trěbne je po jeho słowach swobodne serbske šulstwo. Tež poskitk Krabatoweho towarstwa je rady přiwrzał.

Ćisk je jedne z jadow serbsčiny we Wojerowskim regionje. Sympatija za Serbski sejm je tam rozšěrjena. Tež sejmarka Aneta Zahrodnikowa přisluša župnemu předsydstwu. Rjad Ćiščanow a Wojerowčanow scěhowaše tónle zajimawy dypk dnjoweho porjada. Werner Bejma z bliskeho města wuprajil so tak: „To je mały historiski wokomik. Župan je sejmjej za zhromadne džělo ruku poskičil.“